

चरियापिटकं

राहुलसङ्ग्रहचानेन
आनन्दकोसल्लानेन
जगदीसकस्सपेन च
सम्पादितो

उत्तमभिक्षुना पकासितो
२४८१ बुद्धवच्छरे (1937 A.C.)

प्राङ्निवेदनम्

पालिवाङ्मयस्य नागराक्षरे मुद्रणं अत्यपेक्षितमिति नाविदितचरं भारती-
येतिहासविविदिषूणाम् । संस्कृतपालिभाषयोरतिसामीप्यादपि यत् परस्सहसेभ्यः
जिज्ञासुभ्यः संस्कृतज्ञेभ्यः पालिग्रन्थराश्यवगाहनं दुष्करमिव प्रतिभाति तत् लिपि-
भेदादेव । एतदर्थमयमस्माकमभिनवः प्रयासः । अत्र नूतना अपि पाठभेदाः निघेया
इत्यासीदस्माकं मनीषा परं कालात्ययभीत्याऽत्र प्रथमभागे धम्मपदादन्यत्र न तत्
कृतमभूत् । अधोऽटिप्पणीषु सन्निवेशिताः पाठभेदाः । प्रायः Pali Text Society
मुद्रितेभ्यो ग्रन्थेभ्य उद्धृताः ।

अर्थसाहाय्यं विना अस्मत्समीहितं हृदि निगूहितमेव स्यात् । तत्र भदन्तेन
उत्तमस्थविरेण साहाय्यं प्रदाय महदुपकृतमिति निवेदयति—

कार्तिकशुक्लैकादश्यां
२४८० बुद्धाब्दे

राहुलः सांकृत्यायनः
आनन्दः कौसल्यायनः
जगदीशः काश्यपश्च

सूची

पठमो परिच्छेदो

	दानपारमिता	पृष्ठ
१. अकित्तिचरियं	१
२. सङ्खचरियं	२
३. कुरुधम्मचरियं	३
४. महासुदस्मन्चरियं	३
५. महागोविन्दचरियं	४
६. निमिराजचरियं	५
७. चन्दकुमारचरियं	५
८. सिविराजचरियं	६
९. वेस्सन्तरचरियं	७
१०. ससपण्डितचरियं	११

दुतियो परिच्छेदो

	सीलपारमिता	
१. सीलवनागचरियं	१४
२. भूरिदत्तचरियं	१५
३. चम्पेय्यनागचरियं	१५
४. चूलबोधिचरियं	१६
५. महिसराजचरियं	१७
६. रुहराजचरियं	१८
७. मातङ्गचरियं	१९
८. धम्माधम्मदेवपुत्तचरियं	१९
९. जयदिसचरियं	२०
१०. सल्लपालचरियं	२१

ततियो परिच्छेदो

नेकखम्म पारमिता

१. युधञ्जयचरियं	२२
२. सोमनस्सचरियं	२२
३. अयोधरचरियं	२४
४. भीसचरियं	२४
५. सोणपण्डितचरियं	२५

चतुत्थो परिच्छेदो

अधिट्ठानपारमिता

१. तेमियचरियं	२६
---------------	----	----	----	----

पञ्चमो परिच्छेदो

सच्चपारमिता

१. कपिराजचरियं	२८
२. सच्चसव्हयपण्डितचरियं	२८
३. वट्टपोतकचरियं	२८
४. मच्छराजचरियं	२९
५. कण्हदीपायनचरियं	३०
६. सुतसोमचरियं	३१

छट्ठो परिच्छेदो

मेत्तापारमिता

१. सुवण्णसामचरियं	३३
२. एकराजचरियं	३३

उपेक्खापारमिता

३. महालोमहंसचरियं	३५
-------------------	----	----	----	----

नमो तस्स भगवतो अरहतो सम्मासम्बुद्धस्स ॥

चरियापिटकं

पठमो परिच्छेदो

दानपारमिता

१-अकित्ति-चरियं^१ ।

कप्पे च सत-सहस्से चतुरो च असङ्खेय्ये
एत्थ'न्तरे यं चरितं सब्बं तं बोधिपाचनं ॥१॥
अतीतकप्पे चरितं ठपयित्वा भवाभवे
इमम्हि कप्पे चरितं पवक्खिस्सं सुणोहि मे ॥२॥
यदा आहं (अहं) ब्रह्मारज्जे सुज्जे विविनकानने
अज्झोगाहेत्वा विहरामि अकत्तिनाम तापसो ॥३॥
तदा मं तपतेजेन सत्तत्तो तिदिवाधिभू^२ ,
धारेत्तो ब्राह्मणवण्णं भिक्खाय मं उपागमि ॥४॥
पवणा आभटं पण्णं अतेलज्ज्व अलोणिकं
मम द्वारे ठितं दिस्वा सकटाहेन आकिरि ॥५॥
तस्स दत्तवान'हं पण्णं निक्कुज्जित्तवान भाजनं
पुनेसनं जहित्तवान पाविसिं पण्णसालकं ॥६॥
दुत्तियम्पि तत्तियम्पि उपगज्झि मम'न्तिकं
अकम्पितो अनोलगो एवमेवमदा'सहं (एवमेव अदास'हं) ॥७॥

^१ Cf. Akitti-Jātaka, Jātaka, Vol. IV, 236-42.

^२ इन्द्रः

न मे तप्पच्चया अत्थि सरीरस्मिं विवण्णियं
 पीतिसुखेन रतिया वीतिनामेमि तं दिवं ॥८॥
 यदि मासम्पि द्वेमासं दक्खिण्य्यं वरं लभे
 अकम्पितो अनोलीनो ददेय्यं दानमुत्तमं ॥९॥
 न तस्स दानं ददमानो यसं लाभञ्च पत्थयि
 सब्बञ्जतं पत्थयानो तानि कम्मानि आचरन्ति ॥१०॥

२-सङ्खचरियं^१ ।

पुनापरं यदा होमि ब्राह्मणो सङ्खसब्बहो
 महासमुदं तरितुकामो उपगच्छामि पट्टनं ॥१॥
 तत्थ'दसामि (तत्थ अदस्सि) पटिपथे सयम्भुमपराजितं
 कन्तारद्धानं पटिपन्नं तत्ताय कठिनभूमिया ॥२॥
 तमहं पटिपथे दिस्वाइममत्थं विचिन्तयिं
 इदं खेत्तं अनुपत्तं पुञ्जकामस्स जन्तुनो ॥३॥
 यथापि कस्सको पुरिसो खेत्तं दिस्वा महागमं
 तत्थ बीजं न रोपेति न सो धञ्जेन अत्थिको ॥४॥
 एवमेवाहं पुञ्जकामो दिस्वा खेत्तवरुत्तमं
 यदि तत्थ कारं न करोमि नाहं पुञ्जेन अत्थिको ॥५॥
 यथा अमच्चो मुद्दिकामो रञ्जो अन्तेपुरे जने
 न देति तेसं धनधञ्जं मुद्दितो परिहायति ॥६॥
 एवमेवाहं पुञ्जकामो विपुलं दिस्वान दक्खिणं
 यदि तस्स दानं न ददामि परिहायिस्सामि पुञ्जतो ॥७॥
 एवाहं चिन्तयित्वान ओरोहित्वा उपाहना
 तस्स पादानि वन्दित्वा अदासिं छत्तु पाहनं ॥८॥
 त्तेनेवाहं सतगुणतो सुखुमालो सुखे ठितो
 अपि च दानं परिपूरेन्तो एवं तस्स अदासहं ति ॥९॥

^१ Cf. Saṅkha-pāla-Jātaka, Jātaka, Vol. V, pp. 161-71.

३-कुरुधम्मचरियं^१ ।

पुनापरं यदा होमि इन्दपट्टे^२ (इन्दपत्ते) पुरुत्तमे
 राजा धनञ्जयो नाम कुसले दसहुपागतो ॥१॥
 कालिङ्गरट्टा विसया ब्राह्मणा उपगच्छुं (उपगच्छु) मं
 आयाचुं मं हत्थिनागं धञ्जं मङ्गलसम्मत्तं ॥२॥
 अवुट्टिको जनपदो दुब्भिकखो छातको महा
 ददाहि पवरं नागं नीलं अङ्गजनसव्हयं ॥३॥
 न मे याचकमनुपत्ते पटिकखेपो अनुच्छवो
 मा मे भिज्जि समादानं दस्सामि विपुलं गजं ॥४॥
 नागं गहेत्वा सोण्डाय भिङ्गकारे रतनामये
 जलं हत्थे आकिरित्वा ब्राह्मणानं अदं गजं ॥५॥
 तस्मि नागे पदिन्नम्हि अमच्चा एतदब्रवुं
 किन्नुतुय्हं वरं नागं याचकानं पदस्ससि ॥६॥
 धञ्जं मङ्गलसम्पन्नं सङ्गामविजयुत्तमं
 तस्मि नागे पदिन्नम्हि किन्ते रज्जं करिस्सतीति ॥७॥
 रज्जम्पि मे ददे सब्बं सरीरं दज्जमत्तनो
 सब्बञ्जातं पियं मय्हं तस्मा नागमदासहन्ति ॥८॥

४-महासुदस्मनचरियं^३ ।

कुसावतिम्हि नगरे यदा आसि महीपति
 महासुदस्सनो नाम चक्कवत्ती महब्बलो ॥१॥
 तत्थाहं दिवसे तिक्खत्तुं घोसापेमि तहिं तहिं
 को किं इच्छति पत्थेति कस्स किं दीयतु धनं ॥२॥

^१ Cf. Kurudhamma Jātaka, Jātaka, Vol. II, 365-381.

^२ Capital city of Kurus.

^३ Cf. Mahā Sudassana Jātaka, Jātaka, Vol. I, 391-393.

को छातको को तसितो को मालं को विलेपनं
 नानारत्तानि वत्थानि को नग्गो परिदहिस्सति ॥३॥
 को पथे छत्तमादेति कोपाहता मुदुसभा
 इति सायञ्च पातो च घोसापेमि तहिं तहिं ॥४॥
 न तं दसमु ठानेसु न पि ठानसतेसु वा
 अनेकसतट्ठानेसु पटियत्तं याचके धनं ॥५॥
 दिवा वा यदि वा रत्ती यदि एति वनीपको (वनिब्बके)
 लद्धा यदिच्छिकं भोगं पुरहत्थो व गच्छति ॥६॥
 एवरूपं महादानं ^१अदासिं यावजीविकं
 नपाहं देस्सं धनं दम्मि पि नत्थि निचयो मयि ॥७॥
 यथापि आतुरो नाम रोगतो परिमुत्तिया
 धनेन वज्जं तप्पेत्वा रोगतो परिमुच्चति ॥८॥
 तथेवाहं जानमानो परिपूरेतुमसेसतो
 ऊनधनं पूरयितुं देमि दानं वनीपके (वनिब्बके)
 निरालयो अपच्चायो सम्बोधिमनुपत्तियाति ॥९॥

५-महागोविन्दचरियं^२ ।

पुनापरं यदा होमि सत्तराजपुरोहितो
 पूजितो नरदेवेहि महागोविन्दो ब्राह्मणो ॥१॥
 तदाहं सत्तरज्जेसु यं मे आसि उपायनं
 तेन देमि महादानं अक्खोब्भं सागरूपमं ॥२॥
 न मे देस्सं धनधज्जं न पि नत्थि निचयो मयि
 सब्बज्जुतं पियं मय्हं तस्मा देमि वरं धनन्ति ॥३॥

^१ In the P.T.S. edition, it is mahabbhalo which is incorrect.

^२ Cf. Mahā Govinda Sutranta, Digha.N., Vol. II.

६-निमिराजचरियं^१ ।

पुनापरं यदा होमि मिथिलायं^२ पुरुत्तमे
 निमि नाम महाराजा पण्डितो कुसलत्थिको ॥१॥
 तदाहं मापयित्वान चतुसालं चतुमुखं
 तत्थ दानं पवत्तिसिं मिग-पक्खि-नरादीनं ॥२॥
 अच्छादनञ्च सयनञ्च अन्नपानञ्च भोजनं
 अब्भोच्छिन्नं करित्वान महादानं पवत्तियिं ॥३॥
 यथापि सेवको सामि धनहेतुमुपागतो
 कायेन वाचा मनसा आराधनीयमेसति ॥४॥
 तथे'वाहं सब्बभवे परियेस्सामि बोधिजं
 दानेन सत्ते तप्पेत्वा इच्छामि बोधिमुत्तमन्ति ॥५॥

७-चन्दकुमारचरियं^३ ।

पुनापरं यदा होमि एकराजस्स अन्नजो
 नगरे पुप्फवतिया^४ कुमारो चन्दसव्हयो ॥१॥
 तदाहं यजना मुत्तो निक्खन्तो यञ्जवाटको (पाततो, वाटतो)
 संवेगं जनयित्वान महादानं पवत्तियिं ॥२॥
 नाहं पिवामि खादामि न पि भुञ्जामि भोजनं
 दक्खिण्यं अदत्तवान अपि छप्पञ्चरत्तियो ॥३॥
 यथापि वाणिजो नाम कत्तवान भण्डसञ्चयं
 यत्थ लाभो महा होति तत्थाहरति (तत्थनं हरति) भण्डकं ॥४॥
 तत्थेव सकमुत्तापि परे दिन्नं महप्फलं
 तस्मा परस्स दातव्वं सतभागो भविस्सति ॥५॥

^१ Cf. Nimi Jātaka, Vol. VI, 95-129.

^२ Capital of the Videhas.

^३ Cf. Khaṇḍahāla Jātaka, Jātaka, Vol. VI, 129-155.

^४ Another name of Benares (Jātaka, Vol. IV, p. 119).

एतमत्थवसं जत्वा देमि दानं भवाभवे
न पटिक्कमामि दानतो सम्बोधिमनुपत्तियाति ॥६॥

८-सिविराजचरियं^१ ।

अरिटुसव्हये^२ नगरे सिवि नामासि खत्तियो
निसज्ज पासादवरे एवं चिन्तेसऽहं तदा ॥१॥
यं किञ्चि मानुसं दानं अदिन्नं मे न बिज्जति
यो पि याचेय्य मं चक्खुं ददेय्यं अविकम्पितो ॥२॥
मम सङ्कप्पमञ्जाय सक्को देवानमिस्सरो
निसिन्नो देवपरिसाय इदं वचनमब्रवि ॥३॥
निसज्ज पासादवरे सिविराजा महिद्धिको
चिन्तेन्तो विविधं दानं अदेय्यं सो न पस्सति ॥४॥
तथं नु वितथन्नेतं हन्द विमंसयामि तं
मुहुत्तं आगमेय्याथ याव जानामि तं मनन्ति ॥५॥
पवेधमानो फलितसिरो वलितगतो जरातुरो
अन्धवण्णो व हुत्वान राजानं उपसङ्कमि ॥६॥
सो तदा पग्गहेत्वान वामं दक्खिणवाहु च
सिरस्मि अञ्जलिं कत्वा इदं वचनमब्रवि ॥७॥
याचामि तं महाराज धम्मिक रट्ट वड्डन
तव दानरता कित्ति उग्गता देवमानुसे ॥८॥
उभोपि नेत्ता नयना अन्धा उपहता मम
एकं मे नयनं देहि त्वम्पि एकेन यापय (यापया) ति ॥९॥
तस्साहं वचनं सुत्वा हट्ठो संविग्गमानसो
कतञ्जली वेदजातो इदं वनमब्रवि ॥१०॥
इदानाहं चिन्तयित्वान (चिन्तयित्वा) पासादतो इधागतो
त्वं मम चित्तमञ्जाय नेत्तं याचितुमागतो ॥११॥

^१ Cf. Sivi-Jātaka, Jātaka, Vol. IV, 401-412.

^२ Capital of Sivi Kingdom.

अहो मे मानसं सिद्धं सङ्कप्पो परिपूरितो
 अदिन्नपुब्बं दानवरं अज्ज दस्सामि याचके ॥१२॥
 एहि सीवक उट्ठेहि मा दन्तयि मा* पबेधयि
 उभोपि नयने देहि उप्पाटेत्वा वतिब्बके (वनिब्बके) ॥१३॥
 ततो सो चोदितो मय्हं सीवको वचनं करो
 उद्धरित्वान पादासि तालमिञ्जं व याचके ॥१४॥
 ददमानस्स देन्तस्स दिन्नदानस्स मे सतो
 चित्तस्स अञ्जाथा नत्थि बोधिया येव कारणा ॥१५॥
 न मे देस्सा उभो चक्खू अत्ता न मे न देस्सियो
 सब्बञ्जुतं पियं मय्हं तस्मा चक्खू अदासहन्ति (अदासिहन्ति) ॥१६॥

९-वेस्सन्तरचरियं^१ ।

या मे अहोसि जनिका फुस्सती नाम खत्तिया
 सा अतीतासु जातिसु सक्कस्स च महेसिया ॥१॥
 तस्सा आयुक्खयं दिस्वा देविन्दो एतदब्रविः—
 ददामि ते दस वरे (वरं) वर भद्दे यदिच्छसीति ॥२॥
 एवं वुत्ता च सा देवी सक्कं पुरिन्द (पुनिद) मब्रवि
 किन्नु मे अपराधत्थि किन्नु देस्साअहन्तव
 रम्मा चावेसि मं ठाना वातो व धरणिं रुहन्ति ॥३॥
 एवं वुत्ते च सो सक्को पुन तस्सेदमब्रवि (तस्सीदमब्रवि)
 न चेव ते कतं पापं न च मे त्वमसि अप्पिया ॥४॥
 एत्तकं येव ते आयुं चवनकालो भविस्सति
 पटिगण्हमयादिन्ने वरे दस वरुत्तमेति ॥५॥
 सक्के न सा दिन्नवरा तुट्ठहट्ठा पमोदिता
 ममं अब्भन्तरं कत्वा फुसती दस वरे वरी ॥६॥

* Sinhalese edition omits this मा

^१ Vessantara Jātaka, Jātaka, Vol. VI, 479-539.

ततो चुता सा फुसती खत्तिये उपपज्जथ
 जेतुत्तरम्हि नगरे^१ सञ्जयेन समागमि ॥७॥
 यदाहं (तदाहं) फुसतिया कुच्छि ओक्कन्तो पियमातुया
 मम तेजेन मे माता सदा दानरता अहु ॥८॥
 अधने आतुरे जिण्णे याचके पट्टिके जने
 समणब्राह्मणे खीणे देति दानं अकिञ्चने ॥९॥
 दसमासे धारयित्वान करोन्ते पुरपदक्खिणं
 वस्सानं वीथिया मज्झे जनेसि फुसती ममं ॥१०॥
 न मय्हं भेत्तिकं नामं न पि भेत्तिकसम्भवं
 जातोम्हि वेस्सवीथिया तस्मावेस्सन्तरो अहु ॥११॥
 यदाहं दारको होमि जातिया अट्टवस्सिको
 तदा निसज्ज पासादे दानं दातुं विचिन्तयि ॥१२॥
 हृदयं ददेय्यं चक्खुं मंसम्पि रुहिरम्पि च
 ददेय्यं कायं याचेत्वा (सावेत्वा) यदि कोचि याचयेममं ॥१३॥
 सभावं चिन्तयन्तस्स अकम्पितमसण्ठितं
 अकम्पि तत्थ पठवी सिनेरूवनवटं सका ॥१४॥
 अद्धद्वमासे पण्णरसे पुण्णमासे उपोसथे
 पच्चयं नागमारुह्य दानं दातुं उपागमि ॥१५॥
 कालिङ्गारट्ट विसया ब्राह्मणा उपगच्छुं मं
 आयाचुं मं हत्थिनागं (पच्चयं नागं) धञ्जमङ्गलसम्मत्तं ॥१६॥
 अवुट्ठितो जनपदो दुब्भिक्खो छातको महा
 ददाहि पवरं नागं सब्बसेतं गजुत्तमं ॥१७॥
 ददामि न विकम्पामि यं मं याचन्ति ब्राह्मणा
 सन्तं नप्पटिगुहामि दाने मे रमती मनो ॥१८॥
 न मे याचक मनुपत्ते पटिक्खेपो अनुच्छवो
 मा मे भिज्जि समादानं दस्सामि विपुलं गजं ॥१९॥
 नागं गहेत्वा सोण्डाय भिङ्गकारे रतनामये
 जलं हत्थे आकिरित्वा ब्राह्मणानं अदं गजं ॥२०॥
 पुनापरं ददन्तस्स सब्बसेतं गजुत्तमं
 तदापि पठवी कम्पि सिनेरूवनवटंसका ॥२१॥

^१ Capital of Vessantara in the Kingdom of Sivi.

तस्स नागस्स दानेन सिवयो कुद्धा समागता
 पब्बाजेसुं सका रट्ठा वड्ढकं गच्छतु पब्बतं ॥२२॥
 तेसं निच्चुभमानानं अकम्पितमसिंठितं
 महादानं पवत्तेतुं एकं वरमयाचिस्सं ॥२३॥
 याचिता सिवयो सब्बे एकं वरमदंसु मे
 आयाच (आसाव) यित्वा कण्णभेरिं महादानं ददाम'हं ॥२४॥
 अथेत्थ वत्तति सट्ठो तुमुलो भेरवो महा
 दानेन मं नीहरन्ति पुन दानं ददाम'हं ॥२५॥
 हत्थी अस्से रथे दत्वा दासी दासं गवन्धनं
 महादानं ददित्वान नगरा निक्खमि तदा ॥२६॥
 निक्खमित्वान नगरा निवत्तित्वा विलोकिते
 तदापि पठवी कम्पि सिनेखवनवटंसका ॥२७॥
 चतुवाहिं रथं दत्वा ठत्वा चातुमहापथे
 एकाकियो अदुतियो मद्दिदेविं इदमब्रवि ॥२८॥
 त्वं मद्दिक्कहं गण्हाहि लहुका एसा कनिट्ठका
 अहं जालिं गहेस्सामि गरुको भातिको हि सो ॥२९॥
 पदुमं पुण्डरीकं व मद्दी कण्हाजिनमग्गही
 अहं सुवण्णविम्बं व जालिं खत्तियमग्गहि
 जलं हत्थे आकिरित्वा ब्राह्मणानं अदं गजं ॥३०॥*
 अभिजाता सुखुमाला खत्तिया चतुरो जना
 विसम समं अक्कमन्ता वड्ढकं गच्छाम पब्बतं ॥३१॥
 ये केचि मनुजा यन्ति अनुमग्गे पटिपथे
 मग्गन्ते पटिपुच्छाम कुहिं वड्ढकतपब्बतो ॥३२॥
 ते तत्थ अम्हे पस्सित्वा करुणं गिरमुदीरयुं
 दुक्खन्ते पटिवेदेन्ति दूरे वड्ढकतपब्बतो ॥३३॥
 यदि पस्सन्ति पवने दारका फलिते दुमे
 तेसं फलानं हेतुमिह उपरोदन्ति दारका ॥३४॥
 रोदन्ते दारके दिस्वा उब्बिधा विपुला दुमा
 सयमेव ओणमित्वान उपगच्छन्ति दारके ॥३५॥

* Sinhalese edition omits this line.

इदमच्छरियं दिस्वा अब्भुतं लोमहंसनं
 साधुकारं पवत्तेसि मही सब्बङ्गसोभना ॥३६॥
 अच्छेरं तवलोकास्मि अब्भुतं लोमहंसनं
 वेस्सन्तरस्स तेजेन सयमेव ओणता दुमा ॥३७॥
 सङ्खिप्पिसु पथं यक्खा अनुकम्पाय दारके
 निक्खन्तदिवसेनेव चेतरेट्टमुपागमुं ॥३८॥
 सद्धि राजसहस्सानि तदावसन्ति मातुला
 सब्बे पञ्जलिका हुत्वा रोदमाना उपागमुं ॥३९॥
 तत्थ वत्तेत्वा सल्लापं चेतेहि चेतपुत्तेहि
 ते ततो निक्खमित्वान वङ्कं अगमुं पब्बतं ॥४०॥
 आमन्तयित्वा देविन्दो विस्सुकम्मं महिद्धिकं
 अस्समं सुकटं रम्मं पण्णसालं सुमापय ॥४१॥
 सक्कस्स वचनं सुत्वा विस्सुकम्मो महिद्धिको
 अस्समं सुकटं रम्मं पण्णसालं सुमापयि ॥४२॥
 अज्झोगाहेत्वा पवनं अप्पसद्दं निराकुलं
 चतुरो जना मयं तत्थ वसाम पब्बतन्तरे ॥४३॥
 अहञ्च मही देवी च जालिकण्हाजिना चुभो
 अज्जमज्जं सोकनुदा वसाम अस्समे तदा ॥४४॥
 दारके अनुरक्खन्तो असुज्जो होमि अस्समे
 मही फलं आहरति पोसेति सा तयो जने ॥४५॥
 पवने वसमानस्स अद्धिको मं उपागमि
 आयाचि पुत्तके मय्हं जालिकण्हाजिने चुभो ॥४६॥
 याचकमुपगतं दिस्वा हासो मे उपपज्जथ
 उभो पुत्ते गहेत्वान अदासि ब्राह्मणे तदा ॥४७॥
 सके पुत्ते चजन्तस्स याचके ब्राह्मणे यदा
 तदापि पठवी कम्पि सिनेरुवनवटंसका ॥४८॥
 पुनदेव सक्को ओरुह्हु हुत्वा ब्राह्मणसन्निभो
 आयाचि मं मद्दिदेवि सीलवति पतिब्बतं ॥४९॥
 मद्दि हत्थे गहेत्वान उदकज्जलिं पूर (रि) य
 पसन्नमनसङ्कप्पो तस्स मद्दि अदासज्जं ॥५०॥
 मद्दिया दीयमानाय गगने देवा पमोदिता
 तदापि पठवी कम्मि सिनेरुवनवटंसका ॥५१॥

जालिकण्हाजिनं धीतं मद्दिदेवि पतिब्बतं
 चज्जमानो न चिन्तेसि बोधिया येव कारणा ॥५२॥
 न मे देस्सा उभो पुत्ता मद्दी देवी न देस्सिया
 सब्बञ्जु तं पियं मय्हं तस्मा पिये आदास'हं ॥५३॥
 पुनापरं ब्रह्मारञ्जे मातापितुसमागमे
 करुणं परिदेवन्ते सल्लपन्ते सुखं दुक्खं ॥५४॥
 हिरोत्तप्पेन गरुणा उभिन्नं उपसङ्कमि
 तदापि पठवी कम्पि सिनेरुवनवटंसका ॥५५॥
 पुनापरं ब्रह्मारञ्जा निक्खमित्वा सञ्जातिभि
 पविस्सामि पुरं रम्मं जेतुत्तरं पुरुत्तमं ॥५६॥
 रत्तनानि सत्त वस्सिसु महामेघो पवस्सथ
 तदापि पठवी कम्पि सिनेरुवनवटंसका ॥५७॥
 अचेतनायं पठवी अविञ्जाय सुखं दुक्खं
 सापि दानबला मय्हं सत्तक्खत्तुं पकम्पथाति ॥५८॥

१०-ससपण्डितचरियं^१ ।

पुनापरं यदा होमि ससको पवनचारिको
 तिणपण्णसाकफलभक्खो परहेठनविवज्जितो ॥१॥
 मक्कटो च सिङ्गालो च उद्दपोतो चऽहं तदा
 वसाम एकसामन्ता सायं पातो पदिस्सरे ॥२॥
 अहं ते अनुसासामि किरिये कल्याणपापके
 पापानि परिवज्जेथ कल्याणे अभिनिस्सथ ॥३॥
 उपोसथमिह दिवसे चन्दं दिस्वान पूरितं
 एतेसं तत्थ आचिक्खि दिवसो अज्जुपोसथो ॥४॥
 दानानि पटियादेथ दक्खिण्येयस्स दातवे
 दत्त्वा दानं दक्खिण्येयं उपवस्सथुपोसथं ॥५॥
 ते मे साधूति वत्तवान यथासत्ति यथाबलं
 दानानि पटियादत्त्वा दक्खिण्येयं गवेसिसुं ॥६॥

^१ Cf. Sasa-Jātaka, Jātaka, Vol. III, 51-56.

अहं निसज्ज चिन्तेसि दानं दक्खिणनुच्छवं
 यदिहं लभे दक्खिणेय्यं किं मे दानं भविस्सति ॥७॥
 न मे अत्थि तिला मुग्गा मासावा तण्डुला घतं
 अहं तिणेन यापेमि न सक्का तिणं दातवे ॥८॥
 यदि कोचि एति दक्खिणेय्यो भिक्खाय मम सन्ति के
 दज्जाहं सकमत्तानं नसो तुच्छो गमिस्सति ॥८॥
 मम सङ्कप्पमज्जाय सक्को ब्राह्मणवणिग्गा
 आसयं मे उपागञ्छि दानवीमंसनाय मे ॥१०॥
 तमहं दिस्वान सन्तुट्ठो इदं वचनमब्रविं
 साधु खो'सि अनुपत्तो घासहेतु ममन्तिके ॥११॥
 अदिन्नपुब्बं दानवरं अज्ज दस्सामि ते अहं
 तुवं सीलगुणुपेतो अयत्तं ते परहेठनं ॥१२॥
 एहि अग्गि पदीपेहि नानाकट्टे समानय
 अहं पचिस्समत्तानं पक्कं त्वं भक्खयिस्ससीति ॥१३॥
 साधू'ति सो हट्ठमनो नानाकट्टे समानयि
 महन्तं अकासि चित्तकं कत्वान'ङ्गारगब्भकं ॥१४॥
 अग्गिं तत्थ पदीपेति यथा सो खिप्पं महाभवे
 फोटेत्वा राजगते गत्वा एकन्तं उपाविसि ॥१५॥
 यदा महा कट्टपुज्जो आदित्तो धूममायति
 तदुप्पतित्वा पपति मज्जे जालसिखन्तरे ॥१६॥
 यथा सीतोदकं नाम पविट्ठं यस्सकस्सचि
 समेति दरथं परिलाहं अस्सादं देति पीति च ॥१७॥
 तथेव जलितं अग्गिं पविट्ठस्स ममं तदा
 सब्बं समेति दरथं यथा सीतोदकं विय ॥१८॥
 छविचम्मं मंसं नहारं अट्ठिहदयबन्धनं
 केवलं सकलं कायं ब्राह्मणस्स अदास'हंति ॥१९॥
 अकत्ति ब्राह्मणो सङ्खो कुरुराजा धनज्जयो
 महामुदस्सनो राजा महागोविन्द ब्राह्मणो ॥२०॥
 निमि चन्दकुमारो च सिवि वेस्सन्तरो ससो
 अहमेव तदा आसि यो ते दानवरे अदा ॥२१॥
 एते दानपरिक्खारा एते दानस्स पारमी
 जीवितं याचके दत्त्वा इदं पारमी पूरियं ॥२२॥

१.१०]

ससपण्डितचरियं

[१३

भिक्षायापगतं दिस्वा सकत्तानं परिच्चजि
दानेन मे समो नञ्त्थि एसा मे दानपारमीति ॥२३॥
दानपारमिता निट्ठिता ॥

दुतियो परिच्छेदो

सीलपारमिता

१-सीलवनागचरियं^१ ।

यदा अहोसिं पवने कुञ्जरो मातुपोसको
न तदा अत्थि महिया गुणेन मम सादिसो ॥१॥
पवने दिस्वा वनचरो रञ्जो मं पटिवेदयि
तवनुच्छवो महाराज गजो वसति कानने ॥२॥
न तस्स परिक्खायत्थो न पि आलककासुया
समागहिते सोण्डाय सयमेव इवेहि ॥३॥
तस्स तं वचनं सुत्वा राजापि तुट्ठमानसो
पेसेसि हत्थिदमकं छेकाचरियं सुसिक्खितं ॥४॥
गत्त्वान सो हत्थिदमको अदस्स पदुमस्सरे
भिसमूलं (मूलालं) उद्धरन्तं यापनत्थाय मातुया ॥५॥
विञ्जाय मे सीलगुणं लक्खणं उपधारयि
एहि पुत्ताति वत्वान मम सोण्डाय अग्गहि ॥६॥
यम्मे तदा पाकतिकं सरीरानुगतं बलं
अज्जनागसहस्सानं बलेन समसादिसं ॥७॥
यदिहं तेसं पकुप्पेय्यं उपेतं गहणाय मं
पटिबलो भवे तेसं याव रज्जम्पि मानुसं ॥८॥
अपि चाहं सीलरक्खाय सीलपारमिपूरिया
न करोमि चित्ते अञ्जत्थत्तं पक्खिपन्तं ममालके ॥९॥
यदि ते मं तत्थ कोट्ठेय्युं फरसूहि तोमरेहि च
नेव तेसं पकुप्पेय्यं सीलखण्डभया ममाति ॥१०॥

^१ Cf. Silavanāga Jātaka, Jātaka, Vol. I, pp. 319-322.

२-भूरिदत्तचरियं^१

पुनापरं यदा होमि भूरिदत्तो महिद्धिको
 विरूपक्खेन महारज्जा देवलोकमगञ्छ (छ) हं ॥१॥
 तत्थ पस्सित्वाहं देवे एकन्तं सुखसमप्पिते
 तं मग्गं गमनत्थाय सीलब्धत्तं समादयिं ॥२॥
 सरीरकिच्चं कत्वान भूत्वा यापनमत्तकं
 चतुरो अङ्गे अधिट्ठाय सेमि वम्मिकमुद्धनि ॥३॥
 छविया चम्मेन मंसेन नहारु अट्टिके हि वा
 यस्स एतेन करणीयं दिन्नं येव हरातु सो ॥४॥
 संसितो अकतञ्जुना आलम्पानो ममग्गहि
 पेलाय^२ पक्खिपेत्त्वान कीलेति मं तहिं तहिं ॥५॥
 पेलाय पक्खिपन्तेपि सम्महन्ते पि पाणिना
 आल (म्बने) म्पानेन न कुप्पामि सीलखण्डभया मम ॥६॥
 सकजीवितपरिच्चागो तिणतो लहुको मम
 सीलवीटिक्कमो मय्हं पठवी उप्पत्तना विय ॥७॥
 निरन्तरं जातिसत्तं चजेय्यं मम जीवितं
 नेव सीलं पभिन्देय्यं चतुदीपान हेतु पि ॥८॥
 अपि चाहं सीलरक्खाय सीलपारमिपूरिया
 न करोमि चित्तं अञ्जथत्तं पक्खिपन्तम्पि पेलके ति ॥९॥

३-चम्पेय्यनागचरियं^३

पुनापरं यदा होमि चम्पेय्यको महिद्धिको
 तदापि धम्मिको आसि (सि) सीलब्धत्तसमप्पितो ॥१॥
 तदापि मं धम्मचारिं उपवुट्ठं उपोसथं
 अहिकुण्डिको गहेत्त्वान राजदारमिह कील.ति ॥२॥

^१ Cf. Bhūridatta-Jātaka, Jātaka, Vol. VI, 157-219.

^२ Snake charmer's basket where the snakes are kept.

^३ Cf. Campeyya Jātaka, Jātaka, Vol. IV, pp. 454-468.

यं सोवणं चिन्तयति नीलपीतं व लोहितं
 तस्स चित्तानुवत्तन्तो होमि चिन्तितसन्निभो ॥३॥
 थलं करेय्यं उदकं उदकम्पि थलं करे
 यदि हं तस्स पकुप्पेयं खणेन छारिकं करे ॥४॥
 यदि चित्तवसी हेस्सं परिहायिस्सामि सीलतो
 सीलेन परिहीनस्स उत्तमत्थो न सिज्झति ॥५॥
 कामं भिज्जतु यं कायो इधेव विकिरीयतु
 नेव सीलं पभिन्देय्यं विकिरन्ते भुसं विया ति ॥६॥

४-चूलबोधिचरियं^१ ।

पुनापरं यदा होमि चूलबोधि मुसीलवा
 भवं दिस्वान भयतो नेक्खम्मं अभिनिक्खामि ॥१॥
 यामे दुतिथिका आसि ब्राह्मणी कनकसन्निभा
 सा विवट्ठे अनपेक्खा नेक्खम्मं अभिनिक्खामि ॥२॥
 निरालया छिन्नभन्दू अनपेक्खाकुले गणे
 चरन्ता गामनिगमं बाराणसिमुपागमुं ॥३॥
 तत्थ वसाम निपका असंसट्ठा कुले गणे
 निराकुले अप्पसद्दे राजुय्याने वसामुभो ॥४॥
 उय्यानदस्सनं गन्त्वा राजा अट्ठस ब्राह्मणिं
 उपगम्म ममं पुच्छि तुय्हेसा कस्स भरियाति ॥५॥
 एवं वुत्ते अहं तस्स इदं वचनमब्रविं
 न मय्हं भरिया एसा सहधम्मा एकसासनी ॥६॥
 तस्सा सारत्ताधिगतो गाहापेत्त्वान चेतके
 निष्पीलयन्तो बलसा अन्तेपुरं पवेसयि ॥७॥
 ओदपत्तिकिया मय्हं सहजा एकसासनी
 आकड्ढित्वा न (नि) यन्तिया कोपो मे उपपज्जथ ॥८॥
 सह कोपे समुप्पन्ने सीलब्बतमनुस्सरिं
 तत्थेव कोपं निगगणिहं नादासि वुड्ढितुं (वड्ढतु) परि ॥९॥

^१ Cf. Cullabodhi-Jātaka, Jātaka, Vol, IV, 22-27.

यदि नं ब्राह्मणि कोचि कोट्ठेय्य तिण्हसत्तिया
 नेव सीलं पभिन्देय्यं बोधिया येव कारणा ॥१०॥
 न मे सा ब्राह्मणी देस्सा न पि मे बलं न विज्जति
 सब्बञ्जुतं पियं मय्हं तस्मा सीलानुरक्खिस्सन्ति ॥११॥

५-महिस-राज-चरियं^१ ।

पुनापरं यदा होमि महिसो (महिस) वनचार (रि) को
 पवड्ढकायो बलवा महन्तो भीमदस्सनो ॥१॥
 पम्भारे गिरिदुग्गे च रुक्खमूले दकासये
 होतेत्थ ठानं महिसानं कोचि कोचि तहिं तहिं ॥२॥
 विचरन्तो ब्रह्मरञ्जो ठानं अद्दस भद्दकं
 तं ठानं उपगन्त्वान तिट्ठामि च सयामि च ॥३॥
 अथेत्थ कपिमागन्त्वा पापो अनरियो लहु
 खन्दे नलाटे भमुके मुत्तेति ओहनेति तं ॥४॥
 सकिम्पि दिवसं दुतियं ततियं चतुत्थम्पि च
 दूसेति मं सब्बकालं तेन होमि उपद्दु तो ॥५॥
 ममं उपद्दुतं दिस्वा यक्खो मं इदमब्रवि
 नासहेतं छवं पापं सिङ्गोहि च खुरेहि च ॥६॥
 एवं वुत्ते तदा यक्खे अहं तं इदमब्रवि
 कि त्वं मक्खेसि कुणपेन पापेन अनरियेन मं ॥७॥
 यदिहं तस्स कुप्पेय्यं ततो हीनतरो भवे
 सीलञ्च मे पभिज्जेय्यं विज्जू च गहरेय्युं (गरहेय्युं) मं ॥८॥
 हीलिता जीविता वापि परिसुद्धेन मतं वरं
 क्याहं जीवितहेतुपि काहामि परहेठनं ॥९॥
 ममेवायं मञ्जामानो अञ्जोपेवं करिस्सति
 ते व तत्थ वधिस्सन्ति सा मे मुत्ति भविस्सति ॥१०॥
 हीनमज्झिमउक्कट्ठे सहन्तो अवमानितं
 एवं लभति सप्पञ्जो मनसा यथा पत्थितन्ति ॥११॥

^१ Mahisa-Jātaka, Jātaka, Vol. II, 385-387.

६-रुराज-चरियं^१ ।

पुनापरं यदा होमि सुतत्तकनकसन्निभो
 मिगराजा रुरुनाम परमसीलसमाहितो ॥१॥
 रम्मे पदेसे रम्मणीये विवित्ते अमनुस्सके
 तत्थ वासं उपागञ्छिं गङ्गाकूले मनोदमे ॥२॥
 अथ उपरि गङ्गाय धनिकेहि परिपीलितो
 पुरिसो गङ्गाय पतति जीवामि वा मरामि वा ॥३॥
 रत्तिं दिवं सो गङ्गाय बृह्मानो महोगके
 रवन्तो करुणं रवं मज्झे गङ्गाय गच्छति ॥४॥
 तस्साहं सद्दं सुत्वान करुणं परिदेवतो
 गङ्गाय तीरे ठत्वान अपूच्छिं कोसि त्वं नरो ॥५॥
 सो मे पुट्ठो च व्याकासि अत्तनो कारणं तदा
 धनिकेहि भीतो तसितो पक्खन्तोऽहं महानदि ॥६॥
 तस्स कत्वान कारुञ्जञ्चजित्वा मम जीवित्तं
 पविसित्वा नीहरिन्तस्स अन्धकारम्हि रत्तिया ॥७॥
 अस्सत्था कालमञ्जाय तस्साहमिदमब्रुवि
 एकन्तं वरं याचामि मामं कस्सचि पावद ॥८॥
 नगरं गन्त्वान आचिक्खि पुच्छितो धनहेतुको
 राजानं सो गहेत्वान उपगञ्छिं ममन्तिकं ॥९॥
 यावता कारणं सब्बं रञ्ज्जो आरोचितं मया
 राजा सुत्वान वचनं उस्सुं तस्स विकप्पयि
 ईधेव घातयिस्सामि मित्तदुब्बिमनरियं ॥१०॥
 तमहं अनुरक्खन्तो निम्मिनि मम अत्तना :—
 तिट्ठ ते सो महाराज कामङ्करो भवामि ते ॥११॥
 अनुरक्खिं मम सीलं नारक्खिं मम जीवितं
 सीलवा हि तदा आसिं बोधिया येव कारणा ॥१२॥

^१Cf. Ruru-Jātaka, Jātaka, Vol. IV. 255-268.

१-मातङ्ग-चरियं^१ ।

पुनापरं यदा होमि जटिलो उग्गतापनो
 मातङ्गो नाम नामेन सीलवा सुसमाहितो ॥१॥
 अहञ्च ब्राह्मणो एको गङ्गाकूले वसामुभो
 अहं वसामि उपरि, हेट्ठा वसति ब्राह्मणो ॥२॥
 विचरन्तो अनुकूलमिह उद्धं मे अस्समद्दस
 तत्थ मं परिभासेत्वा अभिसपि मुद्धफालनं ॥३॥
 यदिऽहं तस्स कुप्पेय्यं यदि सीलं न गोपये
 ओलोकेत्वानऽहं तस्स करेय्यं छारिकं विय ॥४॥
 यं सो तदा मं अभिसपि कुपितो दुट्ठमानसो
 तस्सेव मत्थके निपति योगेन तं पमोचयि ॥५॥
 अनुरक्खिं मम सीलं नारक्खिं मम जीवितं
 सीलवा हि तदा आसिं बोधिया येव कारणाति ॥६॥

८-धम्माधम्मदेवपुत्त-चरियं^२ ।

पुनापरं यदा होमि महायक्खो महिद्धिको
 धम्मो नाम महायक्खो सब्बलोकानुकम्पको ॥१॥
 दसकुसलकम्मपथे समादपेन्तो महाजनं
 चरामि गामनिगमं समित्तो सपरिज्जनो ॥२॥
 पापो कदरियो यक्खो दीपेन्तो दस पावके
 सो पेत्य महिया चरति समित्तो सपरिज्जनो ॥३॥
 धम्मवादी अधम्मो च उभो पच्चनिका मयं
 धुरे धुरं घट्टयन्ता समिम्हा पटिपथे उभो ॥४॥
 कलहो वत्तति अस्मा कल्याणपापकस्स च
 मग्गा ओक्कमनत्थाय महायुद्धो उपट्ठितो ॥५॥
 यदिऽहं तस्स पकुप्पेय्यं यदि भिन्दे तपोगुणं
 सह परिजनन्तस्स रजभूतं करेय्यऽहं ॥६॥

^१ Cf. Mātanga-Jātaka, Jātaka, Vol. IV, 375-390.

^२ Cf. Dhamma Jātaka, Jātaka, Vol. IV, pp. 100-104.

अपि चाहं सील-रक्खाय निब्बापेत्वान मानसं
 सह जनेन ओक्कमित्वा पथं पापस्सऽदासहं ॥७॥
 सह पथतो ओक्कन्तो कत्वा चित्तस्स निब्बुत्ति
 विवरं अदासि पठवी पापयक्खस्स तावदेति ॥८॥

९-जयद्दिस-चरियं^१ ।

पञ्चालरट्टे नगरे कप्पिलायं पुरुत्तमे
 राजा जयद्दिसो नाम सीलगुणमुपागतो ॥१॥
 तस्स रञ्जो अहं पुत्तो सुतधम्मो सुसीलवा
 अलीनसत्तो गुणवा अनुत्तर-परिज्जनो सदा ॥२॥
 पिता मे मिगवं गत्त्वा पोरिसादमुपागमि
 सो मे पितुमग्गहेसि बक्खो सि मम मा चलि ॥३॥
 तस्स तं वचनं सुत्वा भीतो तसितवेधितो
 उरुथ (ख) म्भो अहु तस्स दिस्वान पोरिसादकं ॥४॥
 मिगवं गहेत्वा मुञ्चस्सु कत्वा आगमनं पुन
 ब्राह्मणस्स धनं दत्वा पिता आमन्तयि मम ॥५॥
 रज्जं पुत्त पटिपज्ज मा पमज्जि पुरं इदं
 कतं मे पोरिसादेन मम आगमनं पुन ॥६॥
 मातापितु च बन्दित्वा निमिनित्वान अत्तानं
 निक्खिपेत्वा धनुखगं पोरिसादं उपागमि ॥७॥
 ससत्थहत्थुपगतं कदाचि सो तसिस्सति
 तेन भिज्जिस्सति सीलं परित्तासं कते मयि ॥८॥
 सीलखण्डभया मय्हं तस्स देस्सं न व्याहरि
 मेत्तचित्तो हितवादी इदं वचनमब्रवि ॥९॥
 उज्जलेहि महा अग्गिं पपतिस्सामि रुक्खतो
 सम्पत्तकालमञ्जाय भक्खय त्वं पितामह ॥१०॥
 इति सीलवतं हेतु नारक्खिं मम जीवितं
 पब्बाजेसिम (ञ्चा) हं तस्स सदा पाणातिपात (ति) कं ॥११॥

^१ Cf. Jayaddisa Jātaka, Jātaka, Vol. V, 21-36.

१०-सङ्खपाल-चरियं^१ ।

पुनापरं यदा होमि सङ्खपालो महिद्धिको
 दाढावुधो घोरविसो द्विजिह्वो उरुगाधिभू ॥१॥
 चतुपथे महामग्गे नानाजनसमाकुले
 चतुरो अङ्गो अधिद्वाय तत्थ वासमकप्पयि ॥२॥
 छविया चम्मेन मंसेन नहारु-अट्टिकेहि वा
 यस्स एतेन करणीयं दिन्नं येव हरातु सो ॥३॥
 अद्दसंभु भोजपुत्ता खरा लुद्धा अकारुणा
 उपगच्छं ममं तत्थ दण्डमुग्गरपाणिनो ॥४॥
 नासाय विनिविज्झित्वा नङ्गुद्धे पिट्टिकण्टके
 काजे आरोपयित्वान भोजपुत्ता हरिमु मं ॥५॥
 ससागरन्तं पठविं सकाननं सपब्बतं
 इच्छमानोचहं तत्थ नासवातेन ज्ञापये ॥६॥
 सूलेहि विज्झयन्तेपि कोट्टयन्तेपि सत्तिभि
 भोजपुत्ते न कुप्पामि एसा मे सीलपारमीति ॥७॥
 हत्थि-नागो भूरिदत्तो चम्पेय्यो बोधिमाहिसो
 रुह मातङ्गो धम्मो च अत्रजो च जयद्दिसो ॥८॥
 एते सब्बे सीलबला परिकखारा पदेसिका
 जीवितं परिकखित्वा सीलानि अनुरक्खिस्सं ॥९॥
 सङ्खपालस्स मे सतो सब्बकालम्पि जीवितं
 यस्स कस्सचि नीयन्तं तस्मा सा सीलपारमी ॥१०॥
 सीलपारमिनिद्देशो निट्ठितो

^१ Cf. Saṅkhapāla Jātaka, Jātaka, Vol. V, 161-171.

ततियो परिच्छेदो

नेकखम्म पारमिता

१-युधञ्जय-चरियं^१ ।

यदा अहं अमितयसो राजपुत्तो युधञ्जयो
उस्सावबिन्दुं सुरियातपे पतितं दिस्वान संविजि ॥१॥
तञ्जे वाधिपत्तिकत्वा संवेगमनुब्रूहि
माता पितु च वन्दित्वा पब्बज्जमनुयाचहं ॥२॥
याचन्ति मं पञ्जलिका सनेगमा सरट्ठका
अज्जेव पुत्त पटिपज्ज इद्धं फीतं महामहिं ॥३॥
सराजके सहोरोधे सनेगमे सरट्ठके
करुणं परिदेवन्ते अनपेक्खो हि पब्बजि ॥४॥
केवलं पठविरज्जं जातिपरिजनं यसं
चजमानो न चिन्तेसि बोधियायेव कारणा ॥५॥
माता पिता न मे देस्सा न पि देस्सं महायसं
सब्बञ्जुतम्पियं मय्हं तस्मा रज्जं परिच्चजिन्ति ॥६॥

२-सोमनस्स-चरियं^२ ।

पुत्तापरं यदा होमि इन्दपट्ठे पुरुत्तमे
कामितो दयितो पुत्तो सोमनस्सोति विस्सुतो ॥१॥

^१ Cf. Yuvañjaya Jātaka, Jātaka, Vol. IV, 119-123.

^२ Cf. Somanassa Jātaka, Jātaka, Vol. IV, 444-454.

सीलवा गुणसम्पन्नो कल्याणपटिभानवा
 बुड्ढापचायि हिरिमा सग्गहेसु च कोविदो ॥२॥
 तस्स रज्जो पतिकरो आसि कुहक-तापसो
 आरामं मालावच्छञ्च रोपित्वान सो जीवति ॥३॥
 तमहं दिस्वान कुहकं थुसरसिं व अतण्डुलं
 दुमं अन्तो च सुसिरं कदलिं व असारकं ॥४॥
 नत्थिमस्स सतं धम्मो सामञ्जापगतो अयं
 हिरिसुक्कधम्मजहितो जीवितवुत्तिकारणा ॥५॥
 कुपितो अहोसि पच्चन्तो अटवीहि परन्तिहि
 तं निसेधेतुं गच्छन्तो अनुसासि पिता ममं ॥६॥
 मा पमज्जि तुवं तात जटिलं उग्गतापनं
 यदिच्छकं पवत्तेहि सब्बकामददोहि सो ॥७॥
 तमहं गन्त्वानुपट्टानं इदं वचनमब्रविं
 कच्चि ते गहपति कुसलं, किं वा ते आहरिय्यतु ॥८॥
 तेन सो कुपितो आसि कुहको माननिसितो
 धातापेमि तुवं अज्ज रट्ठा पब्बाजयामि वा ॥९॥
 निसेधयित्वा पच्चन्तं राजा कुहकमब्रवि
 कच्चि ते भन्ते खमनीयं सम्मानो ते पवत्तितो
 तस्स आचिक्खति पापो कुमारो यथा नासितो ॥१०॥
 तस्स तं वचनं सुत्वा आनापेसि महीपति
 सीसं तत्थेव छिन्दित्वा कत्वान चतुखण्डिकं
 रथिया रथियं दस्सेथ सा गति जटिलहीलिता ॥११॥
 तत्थज्जारुणिका गत्वा चण्डालुहा अकारुणा
 मातुअङ्गके निसिन्नस्स आकङ्खित्वा नयन्ति मं ॥१२॥
 तेसाहं एवमवचं—बन्धतं गाल्हबन्धनं
 रज्जो दस्सेथ मं खिण्णं राजकिरियानि अत्थि मे ॥१३॥
 ते मं रज्जो दस्सयिंसु पापस्स पापसेविनो
 दिस्वान तं सञ्जापेसि ममञ्च वसमानयिं ॥१४॥
 सो मं तत्थ खमापेसि महारज्जं अदासि मे
 सोहं तमं दालयेत्वा पब्बजिं अनगारियं ॥१५॥
 न मे देस्सं महारज्जं कामभोगो न देस्सियो
 सब्बञ्जुतम्पियं मय्हं तस्मा रज्जं परिच्चजिन्ति ॥१६॥

३-अयोधर-चरियं^१ ।

पुनापरं यदा होमि कासिराजस्स अत्रजो
 अयोधरम्हि संवड्ढो नामेनासि अयोधोरो ॥१॥
 दुक्खेन जीविको लद्धो सम्पीले. पत्तिपोसितो
 अज्जेव पुत्तपटिपज्ज केवलं वसुधं इमं ॥२॥
 सरट्ठकं सनिगमं सजनं वन्दित्वा खत्तियं
 अज्जलि पग्गहेत्वान इदं वचनमब्रवि ॥३॥
 ये केचि महिया सत्ता हीनमुक्कट्ठमज्झिमा
 निरारक्खा सके गेहे वड्ढन्ति सह जातिभि ॥४॥
 इदं लोके उत्तरीयं सम्पीले. मम पोसनं
 अयोधरम्हि संवड्ढो अप्पभे चन्दसुरिये ॥५॥
 पूतिकुणपसम्पुण्णा मुच्चित्वा मातुकुच्छितो
 ततो धोरतरे दुक्खे पुन पक्खित्तयोधरे ॥६॥
 यदिऽहं तादिसं पत्वा दुक्खं परमदारुणं
 रज्जेसु यदि रज्जामि पापानमुत्तमो सियं ॥७॥
 उक्कण्ठितोऽम्हि कायेन रज्जेनऽम्हि अनत्थिको
 निब्बुत्ति परियेसिस्सं यत्थ मं मच्चु न मद्दिये ॥८॥
 एवाहं चित्तयित्वान विरवन्तं महाजनं
 नागो व बन्धनं छेत्वा पाविसि काननं वनं ॥९॥
 माता पिता न मे देस्सा न पि मे देस्सं महायसं
 सब्बज्जुतम्पियं मय्हं तस्मा रज्जं परिच्चजिन्ति ॥१०॥

४-भीस-चरियं^२ ।

पुनापरं यदा होमि कासिनं पुरवरुत्तमे
 भगिनी भातरो सत्त निब्बत्ता सोत्थिये कुले ॥१॥
 एतेसं पुब्बजो आसि हिरिसुक्कमुपागतो
 भवं दिस्वान भयतो नेक्खम्माभिरतो अहं ॥२॥

^१ Cf. Ayoghara Jātaka, Jātaka, Vol IV, 491-499.

^२ Cf. Bhisa Jātaka, Jātaka IV, 304-314.

मातापितृहि पहिता सहाया एकमानसा
 कामेहि मं निमन्तेन्ति कुलवंसं धारेहीति ॥३॥
 यं तेसं वचनं वुत्तं गिहीधम्मे सुखावहं
 त्वं मे अहोसि कठिनं तत्तफालसमं विय ॥४॥
 ते मं तदा उक्खिपन्तं पुच्छंसु पत्थितं मम
 किं त्वं पत्थयसि सम्म यदि कामे न भुञ्जसि ॥५॥
 तेसाहं एवं अवचं अत्थकामो हितेसिनं
 नाहं पत्थेमि गिहीभावं नेक्खम्माभिरतो अहं ॥६॥
 ते मय्हं वचनं सुत्वा पितुमातु च सावेय्युं
 माता पिता एवमाहु—सब्बेपि पब्बज्जाम भो ॥७॥
 उभो मातापिता मय्हं भगिनी च सत्त भातरो
 अमितधनं छड्ढयित्वा पाविसिम्हा महावनन्ति ॥८॥

५—सोणपण्डित-चरियं^१ ।

पुनापरं यदा होमि नगरे ब्रह्मवड्ढने^२
 तत्थ कुलवरे सेट्ठे महासाले अजायहं ॥१॥
 तदापि लोकं दिस्वान अन्धभूतं तमोत्थतं
 चित्तं भवतो पटिकुटति तुत्तवेगहतं विय ॥२॥
 दिस्वान विविधं पापं एवं चिन्तेसहं तदा
 कदाहं गोहा निक्खम्म पविसिस्सामि काननं ॥३॥
 तदापि मं निमन्तिंसु कामभोगेहि जातयो
 तेसम्पि छन्दमाचिक्खि मा निमन्तेथ तेहि मं ॥४॥
 यो मे कनिट्ठको भाता नन्दो नामासि पण्डितो
 सो पि मं अनुसिक्खन्तो पब्बज्जं समरोचयि ॥५॥
 अहं सोणो च नन्दो च उभो माता पिता मम
 तदापि भोगे छड्ढेत्वा पविसिम्हा महावनन्ति ॥६॥

^१ Cf. Soṇa-Nanda Jātaka, Jātaka, Vol. V, 312-332.

^२ Another name of Bānārasī, Jātaka, Vol. IV, p. 190.

चतुर्थो परिच्छेदो

अधिष्ठानपारमिता

तेमिय-चरियं^१ ।

पुनापरं यदा होमि कासिराजस्स अत्रजो
मूगपक्खो ति नामेन तेमियोति वदन्ति मं ॥१॥
सोलसित्थिसहस्सानं न विज्जति पुमो तदा
अहोरत्तानं अच्चयेन निब्बत्तो अहमेकको ॥२॥
किञ्छा लद्धम्पियं पुत्तं अभिजातं जुतिन्धरं
सेतच्छत्तं धारयित्वान सयने पोसेति मं पिता ॥३॥
निदायमानो सयनवरे पबुज्झित्वानहं तदा
अद्दसं पण्डरं छत्तं येनाहं निरयं गतो ॥४॥
सह दिट्ठस्स मे छत्तं तासो उप्पज्जि भेरवो
विनिच्छयं समापन्नो कदाहं इमं मुञ्चिस्सं ॥५॥
पुब्बसालोहिता मय्हं देवता अत्थकामिनी
सा मं दिस्वान दुक्खितं तीसु ठानेसु योजयि ॥६॥
मा पण्डिच्चं (पण्डिच्चयं) विभावय बहुमतं सप्पाणिनं
सब्बो जनो ओचिनायतु एवं अत्थो भविस्सति ॥७॥
एवं वुत्तायऽहं तस्सा इदं वचनमब्रवि
करोमि ते तं वचनं यं त्वं भणसि देवते ॥८॥
अत्थ कामासि मे अम्म हितकामासि देवते
तस्साहं वचनं सुत्वा सागरे व थलं लभि ॥९॥

^१ Cf. Temiya Jātaka, (mūgapakkha) Jātaka, Vol. VI, 1-30.

हृदो संविग्गमानसो तयो अंगे अधिद्वहिं
 मूगो अहोसिं बधिरो पक्खो गतिविवज्जितो ॥१०॥
 एते अंगे अधिद्वाय वस्सानि (नं) सोलसं वसि
 ततो मे हत्थपादे च जिह्वं सोतञ्ज मद्दिय
 अनुनतं मे पस्सित्वा कालकणीति निन्दि (दिं) सुं ॥११॥
 ततो जनपदा सब्बे सेनापतिपुरोहिता
 सब्बे एकमना हुत्वा छड्डुनं अनुमोदिंसु ॥१२॥
 सोऽहं तेसं मत्तिं सुत्वा हट्ठो संविग्गमानसो
 यस्सत्थाय तपो चिण्णो सो मे अत्थो समिज्झथ ॥१३॥
 नहापेत्वा अनुलिम्पित्वा वेठेत्वा राजवेठनं
 छत्तेन अभिसिञ्चित्वा कारेसुं पुरपदक्खिणं ॥१४॥
 सत्ताहं धारयित्वान उग्गते रविमण्डले
 रथेन मं नीहरित्वा सारथी वनमुपागमि ॥१५॥
 एकोकासे रथं कत्वा सज्जस्सं हत्थमुञ्चितो (तं)
 सारथिं खणति कासुं निखातुं पठविया ममं ॥१६॥
 अधिद्वित्तमधिद्वानं तज्जन्तो विविधकारणा
 न भिन्दि व तमधिद्वानं बोधिया येव कारणा ॥१७॥
 मातापिता न मे देस्सा अत्ता न मे च देस्सियो
 सब्बञ्जुत्तम्पियं मय्हं तस्मा व तमधिद्वहिं ॥१८॥
 एते अंगे अधिद्वाय वस्सानि सोलसं वसि
 अधिद्वानेन समो नत्थि एसा मे अधिद्वानपारमीति ॥१९॥

अधिद्वानपारमिता निद्विता

पञ्चमो परिच्छेदो

सच्चपारमिता

१-कपिराज-चरियं^१ ।

यदा अहं कपि आसि नदीकूले दरीसये
पीलितो सुसुमारेण गमनं न लभामिऽहं ॥१॥
यम्होकासे अहं ठत्वा ओरपारं पतामहं
तत्थऽच्छि सत्थु-बधको कुम्भिलो रुद्धस्सनो ॥२॥
सो मं असंसि एहीति, अहमेमीति तं वदि
तस्स मत्थकमक्कम्म परकूले पतिठ्ठहिं ॥३॥
न तस्स अलिकं भणितं यथा वाचं अकासहं
सच्चेन मे समो नत्थि एसा मे सच्चपारमीति ॥४॥

२-सच्चसव्हयपण्डित-चरियं^२ ।

पुनापरं यदा होमि तापसो सच्चसव्हया
सच्चेन लोकं पालेसिं समगं जनमकासहन्ति ॥१॥

३-वट्टपोतक-चरियं^३ ।

पुनापरं यदा होमि मगधे वट्टपोतको
अजातपक्खो तरुणो मंसपेसि कुलावके ॥१॥

^१ Cf. Kapî-Jātaka, Jātaka, Vol. II, 268-270.

^२ Cf. Saccañkira-Jātaka, Jātaka, Vol. I, 322-327.

^३ Cf. Vaṭṭa-Jātaka, Jātaka, Vol. I, 212-215.

मुखतुण्डकेनाहरित्वा माता पोसयति ममं
 तस्सा फस्सेन जीवामि नऽत्थि मे कायिकं बलं ॥२॥
 संवच्छरे गिम्हसमये दावडाहो पदिप्पति
 उपगच्छति अम्हाकं पावको कण्हवत्तनी ॥३॥
 धूमधूमञ्जनित्वेवं सहायन्तो महा सिखी
 अनुपुब्बेन ज्ञापेन्तो अग्गि मममुपागमि ॥४॥
 अग्गिवेगभया भीता तसिता मातापिता मम
 कुलावके मं छड्ढेत्वा अत्तानं परिमोचयुं ॥५॥
 पादे पक्खे पजहामि नत्थिमे कायिकं बलं
 सोहं अगतिको तत्थ एवं चिन्तेसहं तदा ॥६॥
 येसाहं उपधावेय्यं भीतो तसितवेधितो
 ते मं ओहाय पक्कन्ता कथं मे अज्ज कातवे ॥७॥
 अत्थि लोके सीलगुणो सच्चं सोचेय्यनुद्दया
 तेन सच्चेन काहामि सच्चकिरियमुत्तमं ॥८॥
 आवज्जेत्वा धम्मबलं सरित्वा पुब्बके जिने
 सच्चबलमवस्साय सच्चकिरियमकासहं ॥९॥
 सन्ति पक्खा अपतना सन्ति पादा अवञ्चना
 माता पिता च निक्खन्ता जातवेदपटिकम ॥१०॥
 सह सच्चे कते मय्हं महापज्जलिको सिखी
 वज्जेसि सोलस करीसानि उदकं पत्वा यथा सिखी
 सच्चेन मे समो नत्थि एसा मे सच्चपारमीति ॥११॥

४-मच्छराज-चरियं^१ ।

पुनापरं यदाहोमि मच्छराजा महासरे
 उण्हे सुरियसन्तापे सरे उदकं खीयथ ॥१॥
 ततो काका च गिज्झा च बका कुललसेनका
 भक्खयन्ति दिवा रत्तिं मच्छे उपनिसीदिय ॥२॥

^१ Cf. Maccha-Jātaka, Jātaka, Vol. I, 210—212.

एवं चिन्तेसहं तत्थ सह जातीहि पीलि.तो
 केन नु खो उपायेन जाती दुक्खा पमोचये ॥३॥
 विचिन्तयित्वा धम्मत्थं सच्चं अहस पस्सयं
 सच्चे ठत्वा पमोचेसिं जातीनं तं अतिक्खयं ॥४॥
 अनुस्सरित्वा सद्धम्मं परमत्थं विचिन्तयं
 आकासिं सच्चकिरियं यं लोके धुवसस्सतं ॥५॥
 यतो सरामि अत्तानं यतो पत्तोस्मि विञ्जुतं
 नाभिजानामि सञ्चिच्च एकम्पाणं विहिंसितं
 एतेन सच्चवज्जेन पज्जुन्नो अभिवस्सतु ॥६॥
 अभित्थनय पज्जुन्न निधिं काकस्स नासय
 काकं सोकाय रुन्धेहि मच्छे सोका पमोचय ॥७॥
 सह कते सच्चवरे पज्जुन्नो चभिगज्जिय
 थलं निन्नञ्च पूरेन्तो खणेन अभिवस्सथ ॥८॥
 एव रूपं सच्चवरं कत्वा विरियमुत्तमं
 वस्सापेसिं महामेघं सच्चतेजबलस्सितो
 सच्चेन मे समो नत्थि एसा मे सच्चपारमीति ॥९॥

५-कण्हदीपायन-चरियं^१ ।

पुनापरं यदा होमि कण्हदीपायनो इसि
 परो पञ्जासवस्सानि अनभिरतो वरिं अहं ॥१॥
 न कोचि एतं जानाति अनभिरतिमनं मम
 अहम्पि कस्सचिनाचिक्खिं अरतिं मे रतिमानसे ॥२॥
 सब्रह्मचारी मण्डव्यो सहायो मे महा इसि
 पुब्बकम्मसमायुत्तो सूलमारोपणं लभि ॥३॥
 तमहं उपट्ठहित्वान आरोग्यमनुपापयि
 आपुच्छित्वान आगच्छि यं मय्हं सकमस्समं ॥४॥
 सहायो ब्राह्मणो मय्हं भरियमादाय पुत्तकं
 तयो जना समागन्त्वा आगच्छुं पाहुनागतं ॥५॥

^१ Cf. Kaṇṇpadīpayuna-Jātaka, Jātaka, Vol. IV, 27-37.

सम्मोदमानो तेति सह निसिन्नो सकमस्समे
 दारको वट्टमनुक्खिपं आसीविसमकोपयि ॥६॥
 ततो सो वट्टगतं मगं अन्नेसन्तो कुमारको
 आसीविसस्स हथेन उत्तमङ्गं परामसि ॥७॥
 तस्स आमसने कुद्धो सप्पो विसबलस्सितो
 कुपितो परमकोपेन अदंसि दारकं खणे ॥८॥
 सह दट्ठो अतिविसेन दारको पतित भूमियं
 तेनाहं दुक्खितो आसिं मम वाहसितं दुक्खं ॥९॥
 त्याहं अस्सासयित्वान दुक्खिते सोकसल्लिते
 पठमं अकासि किरियं अगं सच्चं वरुत्तमं ॥१०॥
 सत्ताहमेवाहं पसन्नचित्तो
 पुञ्ञत्थिको अचरी ब्रह्मचरियं
 अथापरं यं चरितं ममयिदं
 वस्सानि पञ्ञास समाधिकानि ॥११॥
 अकामको वाहि अहं चरामि
 एतेन सच्चेन सुवत्थि होतु
 हतं विसं जीवतु यञ्ञदत्तो ॥१२॥
 सह सच्चे कते मय्हं विसवेगेन वेधितो
 अबुज्झित्वान वुठ्ठासि आरोगो चासि मानवो
 सच्चेन मे समो नत्थि एसा मे सच्चपारमीति ॥१३॥

६—सुतसोम-चरियं ।

पुनापरं यदा होमि सुतसोमो महीपति
 गहितो पोरिसादेन ब्राह्मणे सङ्करं सर्णि ॥१॥
 खत्तियानं एकसतं आवुनित्वा करतले
 एते सम्पमिलापेत्वा यञ्ञत्थे उपनयि ममं ॥२॥
 अपुच्छि मं पोरिसादो किं त्वं इच्छसि निस्सज्जं ?
 यथा मति ते काहामि यदि मे त्वं पुनेहिसि ॥३॥
 तस्स पटिसुनित्वान पण्हे आगमनं मम
 उपगत्वा पुरं रम्मं रज्जं निय्यादयिं तदा ॥४॥

अनुस्सरित्वा सतं धम्मं पुब्बकं जिनसेवितं
ब्राह्मणस्स धनं दत्त्वा पोरिसादं उपागमिं ॥५॥
नत्थि मे संसयो तत्थ घातयिस्सति वा न वा
सच्चवाचानुरक्खन्तो जीवितञ्चजितुमुपागमि
सच्चेन मे समो नत्थि एसा मे सच्च पारमीति ॥६॥
सच्चपारमिता निट्ठिता ॥

छट्टो परिच्छेदो

मेत्तापारमिता

१-सुवण्णसाम-चरियं^१ ।

सामो यदा वने आसिं सक्केन अभिनिम्मितो
पवने सीहव्यग्घे च मेत्तायमुपनामयि ॥१॥
सीहव्यग्घेहि दीपेहि अच्छेहि महिसेहि च
पसदमिगवराहेहि परिवारेत्वा वने वसिं ॥२॥
न मं कोचि उत्तस्सति न पि भायामि कस्सचि
मेत्ताबलेनुपत्थद्धो रमामि पवने तदा ॥३॥

२-एकराज-चरियं^२ ।

पुनापरं यदाहोमि एकराजाति विस्सुतो
परमं सीलमधिट्ठाय पसासामि महामहिं ॥१॥
दसकुसलकम्मपथे वत्तामि अनवसेसतो
चत्तहिं सङ्गहवत्थूहि सङ्गण्हामि महाजनं ॥२॥
एवं मे अप्पमत्तस्स इदलोके परत्थं च
दब्बसेनो उपागन्त्वा अच्छिन्दन्तो पुरं ममं ॥३॥
राजूपजीवे निगमे सबलट्ठे सरलट्ठके
सब्बं हत्थगतं कत्वा कामुया निक्खनि ममं ॥४॥

^१ Cf. Sāma Jātaka, Jātaka, Vol. VI, 61—95.

^२ Cf. Ekarāja-Jātaka, Jātaka, Vol. III, 13—15.

अमच्च मण्डलं रज्जं फीतं अन्ते पुरं मम
अच्छिन्दित्वान गहितं पियं पुत्तं व पस्सहं
मेत्ताय मे समो नत्थि एसा मे मेत्तापारमीति ॥ ५ ॥
मेत्तापारमिता निट्ठिता

उपेक्षापारमिता

३-महालोमहंस चरियं^१ ।

सुसाने सेय्यं कप्पेमि छवठ्ठिकं (उप) निघायहं
गा (गो) मण्डला उपगन्त्वा रूपं दस्सेन्तिऽनप्यकं ॥१॥
अपरे गन्धञ्च मालञ्च भोजनं विविधं बहुं
उपायनान्युपनेन्ति हट्ठा संविग्गमानसा ॥२॥
ये मे दुक्खं उपदहन्ति ये च देन्ति सुखं मम
सब्बेसं समको होमि दयकोपो न विज्जति ॥३॥
सुखदुक्खे तुलाभूतो यसेसु अयसेसु च
सब्बत्थ समको होमि एसा मे उपेक्षापारमीति ॥४॥

उपेक्षापारमितानिदिठ्ठा ।

युधञ्जयो, सोमनस्सो, अयोधरभिसेन च
सोणदण्डो, मूगपक्खो, कपिराजा, सच्चसव्हयो ॥५॥
वट्टको, मच्छराजा, च कण्हदीपायनो इति
सुतसोमो, पुन आसिं सामो, च एकराजहु
उपेक्षापारमी आसि इति वुत्तं महेसिना ॥६॥
एवं बहुविधं दुक्खं सम्पत्तिं च बहुविधा
भवाभवे अनुभवित्वा पत्तो सम्बोधिमुत्तमं ॥७॥
दत्त्वा दातब्बकं दानं, सीलं पूरेत्वा असेसतो,
निक्खम्मे पारमिं गन्त्वा, पत्तो सम्बोधिमुत्तमं ॥८॥

^१ Cf. Lomahansa-Jātaka, Jātaka, Vol. I, ३८९—३९१.

पण्डिते परिपुच्छित्वा, विरियं कत्वानमुत्तमं,
 खन्तिया पारमिं गन्त्वा, पत्तो सम्बोधि मुत्तमं ॥९॥
 कत्वा दल्हं अधिठ्ठानं, सच्चवाचानुरक्खिया,
 मेत्ताय पारमिं गन्वा पत्तो सम्बोधिमुत्तमं ॥१०॥
 लाभालाभे यसायसे समाननावमानने
 सम्बत्थ समानो हुत्वा, पत्तो सम्बोधिमुत्तमं ॥११॥
 कोसज्जं भयतो दिस्वा विरियारम्भं च खेमतो
 आरद्ध विरिया होथ एसा बुद्धानुसासनी ॥१२॥
 विवादं भयतो दिस्वा अविवादञ्च खेमतो
 समग्गा अखिला होथ एसा बुद्धानुसासनी ॥१३॥
 पमादं भयतो दिस्वा अप्पमादञ्च खेमतो
 भावे अट्ठङ्गिकं (भावेथट्ठङ्गिकं) मगं एसा बुद्धानुसासनी ॥१४॥
 इत्थं सुदं भगवा अत्तनो पुब्बचरियं सम्भावियमानो बुद्धापदानि
 यन्नाम धम्मपारियायंपटसित्था ति ॥
 चरियापिटकं निट्ठतं (चरियापिटक पालि समत्ता) ॥